

7. Dopuna dnevnog reda skupštine akcionara na predlog ovlaštenog predlagača

PITANJE: Klub akcionara akcionarskog društva zatražio je od Komisije mišljenje o pitanju da li se mora prihvatiti dopuna dnevnog reda koju prije održavanja redovne skupštine predloži akcionar koji posjeduje više od 10% kapitala?

MIŠLJENJE: Odredbama člana 37. st. 2. i 3. Zakona o privrednim društvima propisano je da:

- se, u slučaju izmjene dnevnog reda, akcionari obavještavaju o izmjenama dnevnog reda na isti način na koji se obavještavaju o održavanju skupštine akcionara i to najkasnije 10 dana prije dana održavanja skupštine, i
- akcionari koji posjeduju najmanje jednu desetinu akcionarskog kapitala imaju pravo da zahtijevaju proširenje dnevnog reda skupštine.

Iz navednih zakonskih odredbi proizilazi da akcionari koji posjeduju najmanje jednu desetinu akcionarskog kapitala imaju pravo da zahtijevaju proširenje dnevnog reda skupštine najkasnije do roka koji će omogućiti da se obavještenje o dopuni dnevnog reda objavi najkasnije 10 dana prije održavanja skupštine. Kada se na ovaj način podnese odboru direktora zahtjev za dopunu dnevnog reda, **odbor direktora je obavezan da u dnevni red sjednice skupštine uvrsti dopunu** koju predlože akcionari koji posjeduju najmanje jednu desetinu akcionarskog kapitala. (*Mišljenje sa 32. sjednice od 23. maja 2003. godine*).